

ՀԱՄԱԶԳԱՅԻՆ ՄԵԾ ՏՕՆԸ

— 0 —

ՈՒՍՈՒՑՉԱԿԱՆ ՄԻՈՒԹԵԱՆ ԸՆԴ- ՀԱՆՈՒՐ ԺՈՂՈՎՈՒՄ

Կովկասի հայոց դպրոցների ուսուցիչները և վարչութիւնների միութեան ընդհանուր ժողովը գիտակցելով հայոց գրեւոր գիւտի 1500-ամեակի և հայկական տպագրութեան 400 ամեակի տարեդարձների պատմական-կուլտուրական մեծ արժանիքը, որոշեց յանձնարարել միութեան բոլոր անդամներին, այլև Կովկասի հայոց դպրոցներում պաշտօնավարող բոլոր պաշտօնակից ուսուցիչ - ուսուցչուհիներին՝ լայն աջակցութիւն ցոյց տալ այդ տարեդարձների կատարման համար պաշտօնապէս ընտրած յոբելեանական յանձնաժողովներին:

ԽՈՇՈՐ ՆՈՒՐԱԲԵՐՈՒԹԻՒՆ

Մի անյայտ անձնաւորութիւն թեմական յորել. յանձն. նախագահ և թեմիս առաջնորդ Մեսրոպ եպիսկոպոսի միջոցով Զանգեզուրի գաւառի Գորիս աւանի դպրոցի շինութեան համար ներարեւել է 15 հազար բուրլի նոյն անձնաւորութիւնը խոստացել է նաև՝ շէնքի կառուցումն աւարտելուց յետոյ մի խոշոր գումարով բոլորովին ապահովել նոյն դպրոցի գոյութիւնը: Ուրախալի է տեսնել դպրոցական գործի օգտին արեւոյ այսպիսի խոշոր ներարարութիւններ, մանաւանդ որ մեր կեանքում շատ հազադէպ են անյայտ մնալ ցանկացող բարերարները:

ԻՆՉ է ԱՆՈՒՄ ԲԱԳՈՒՆ

Բագու, 15 յունիսի

Ամեն տեղ դարձեալ հարց է դրւած թէ ինչպէս տօնել տառերի գիւտի և տպագրութեան յոբելեանը: Թիֆլիզում թեմական յանձնաժողով ընտրւեց, գրեթէ ամեն տեղ նախապատրաստական ժողովներ ու խորհրդակցութիւններ են լինում, սակայն մեր Բագուն լուռ ու մունջ է: Յիշում եմ,

երբ առաջին անգամ համազգային մեծ յոբելեանի հարցը դրւեց տեղումս և ժողով գումարեց, մի փոքրաթիւ ժողով, որը սկսեց ճառել ամբողջ բազմաւոր հայերի բերանից, մասնաժողով ընտրեց, պարզեց, թէ այդ ժամանակ Թիֆլիզում գոյութիւն ունեցող ուղղութիւններից որին յարի, (ի հարկէ այդ փոքրամասնութիւնը հէնց իրենք մի ուղղութեան պատկանողներ էին), բայց երբ հարցը փակեց և որոշեց յետաձգել տօնի օրը մի տարով, մտաբերի մասնաժողովը, շատ եռանդուն լինելով չհամբերեց մի երեկոյթ կազմակերպեց իր անունից և կարծես թէ տօնեց պրծաւ մեծ տօնը: Յիշում ենք այն շոր ու ցամաք ծրագիրը, որ ունէր երեկոյթը և յիշում ենք այն հոծ բազմութիւնը, որ լցրել էր դահլիճը, սակայն լ՛նչ եղաւ երեկոյթի եկամուտը, ուր գնաց, դրանով արդեօք վերջացրեց մասնաժողովը իր գործունէութիւնը, թէ այժմ էլ, երբ հարցը դրակամապէս դրւած է, նա մի որ և է բան է անում կամ ուզում է անել, — այդ ամենը մութն է և անյայտ: Չէ որ այդ մասնաժողովը ճառում էր Բագուի ամբողջ հայութեան կողմից, և միթէ Բագուն դրանով էլ վերջացրեց իր պարտքը մեծ տօնի վերաբերմամբ:

Ցանկալի էր, որ մասնաժողովը պարզէր իրերի դրութիւնը, արածը առանց դրան էլ ժամանակը քիչ է: Բագուն շատ պիտի անի, նա դեռ ոչնչով չի ցոյց տւել իր երախտագիտութիւնը ոչ դպրոցին, ոչ էլ դրողին, պէտք է որ մասնաժողովը շտապի միանալ Թիֆլիզի թեմական մասնաժողովին և զործել, ինչպէս մի երկրորդ կենդրոն Կովկասի հայ ազգաբնակչութեան, ու նրա գործունէութիւնը թերևս պակաս պտղաբեր չլինի թէ զընտրոցական և թէ գրական ֆոնդերի համար:

Սպասում ենք:

Արամ Ալ.